



Broj: 05/03-19-31213-4/24  
Sarajevo, 29.07.2024. godine

Na osnovu poglavlja II tačka 4. podtačka 1. Odluke o usvajanju Programa utroška sredstava tekućih i kapitalnih transfera Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo utvrđenih Budžetom Kantona Sarajevo za 2024. godinu broj: 02-04-29617-51/24 od 23.05.2024. godine, objavljuje se

## **JAVNI POZIV**

### **za sufinansiranje realizacije projekta "Rekonstrukcija, adaptacija, sanacija i izgradnja vjerskih i kulturno-historijskih objekata"**

Pozivaju se vjerske zajednice, crkve kao i predstavnici institucija/organizacija kulture da dostave Ministarstvu komunalne privrede, infrastrukture, prostornog uređenja, građenja i zaštite okoliša (u daljem tekstu: Ministarstvo), zahtjev za finansiranje projekata iz budžetske stavke "Rekonstrukcija, adaptacija, sanacija i izgradnja vjerskih i kulturno-historijskih objekata", kojom su za 2024. godinu obezbijedena sredstva u iznosu od 200.000,00 KM.

Potrebno je dostaviti Ministarstvu kandidovane projekte koji se odnose isključivo na radove na rekonstrukciji, adaptaciji, sanaciji i/ili izgradnji objekata od kulturno-historijskog značaja i objekata koji služe vjernicima za njihove vjerske potrebe, na području Kantona Sarajevo, koji će biti realizovani u toku budžetske 2024. godine.

Također je potrebno da ukupna cijena radova ili dijela radova, a koje je moguće izdvojiti kao cjelinu iz kandidovanog projekta, a da ne prelazi iznos od 60.000,00 KM sa PDV-om. Mogu se kandidovati projekti na više objekata i lokacija na području Kantona Sarajevo.

Uz zahtjev koji je poslan od strane ovlaštenih organa i lica koji imaju legitimitet ispred institucije/organizacije kulture, vjerske zajednice i crkve koja kandiduje projekat da potpišu sporazum sa Ministarstvom, obavezno se dostavlja i sljedeća dokumentacija:

1. original predmjer i predračun radova za kandidovani projekat, odnosno ponuda od ovlaštene firme, sa jasno navedenim iznosom potrebnim za sufinansiranje i lokacijom objekta na koji se projekat odnosi, ne starija od tri mjeseca od dana objave poziva;
2. izjavu ovjerenu od nadležnog organa da će, ukoliko je vrijednost projekta veća od iznosa sredstava dodijeljenih od Ministarstva, ostatak sredstava koji prelazi dodijeljeni iznos i koji je potreban za realizaciju kandidovanog projekta obezbijediti sami;



3. izjavu ovjerenu od nadležnog organa da će, ukoliko im se dodijele sredstva za realizaciju projekta, dostaviti Ministarstvu Izvještaj o namjenski utrošenim sredstvima do 31.12.2024. godine, a najkasnije u roku od godinu dana od dana potpisivanja Sporazuma.
4. rješenje o upisu u registar pravnih lica kod nadležnog organa;
5. potvrdu o transakcijskom računu.

Ukoliko jedna institucija kandiduje više projekata potrebno je da svaki projekat pojedinačno kandiduje u zasebnim kovertama.

Sva dokumentacija koja se dostavlja uz prijavu mora biti u originalu ili ovjerenoj kopiji ne starijoj od tri mjeseca.

Komisija za provođenje Javnog poziva za sufinansiranje realizacije projekta "Rekonstrukcija, adaptacija, sanacija i izgradnja vjerskih i kulturno-historijskih objekata" će razmotriti sve zaprimljene zahtjeve, utvrditi Prijedlog liste projekata koji su zadovoljili uvjete iz ovog poziva, te isti dostaviti Ministru koji utvrđuje Konačnu listu.

Prijave će biti odbačene i neće biti predmet daljeg razmatranja ako su:

- neblagovremene,
- ne ispunjavaju uslove ovog javnog poziva.

Javni poziv ostaje otvoren dvadeset (20) dana od dana objavljivanja.

Zahtjeve sa potrebnom dokumentacijom dostaviti na adresu: Ministarstvo komunalne privrede, infrastrukture, prostornog uređenja, građenja i zaštite okoliša, Ulica Reisa Džemaludina Čauševića broj 1, 71000 Sarajevo, u zatvorenoj koverti uz obaveznu naznaku "Prijava na Javni poziv za sufinansiranje realizacije projekta "Rekonstrukcija, adaptacija, sanacija i izgradnja vjerskih i kulturno-historijskih objekata" – NE OTVARAJ".

O rezultatima, kao i vremenu i mjestu potpisivanja sporazuma bićete naknadno obaviješteni.

NAPOMENA: Za objekte koji se nalaze pod zaštitom kao kulturna baština podnosilac zahtjeva je dužan obezbijediti saglasnost od Kantonalnog zavoda za zaštitu kulturno-historijskog i prirodnog naslijeđa Sarajevo.

**Ministarstvo zadržava pravo da, u slučaju manjeg broja kandidata, manjeg broja projekata kao i projekata sa manjim iznosom od 60.000,00 KM, preostala sredstva u razlici do 200.000,00 KM rasporedi po kandidatima koji su zadovoljili uslove javnog poziva.**

